

UNIVERSITI MALAYSIA PAHANG

SEMAKAN POLISI PENGURUSAN PROJEK PERUNDINGAN DAN PENYELIDIKAN KONTRAK

1.0 SEMAKAN

1.1 Berikut adalah semakan yang dicadangkan:-

a) Definisi Penyelidikan Kontrak adalah disemak seperti berikut:-

Jadual 1: Definisi semasa dan definisi yang disemak untuk Penyelidikan Kontrak

Perkara	Definisi Semasa (Polisi Penyelidikan UMP)	Definisi Yang Disemak (Terkini)
Penyelidikan Kontrak	Aktiviti penyelidikan yang dibiayai pihak luar daripada Universiti Malaysia Pahang	<p>Aktiviti penyelidikan dan pembangunan yang dilaksanakan atas permintaan dan dibayar oleh syarikat, agensi atau organisasi luar daripada Universiti Malaysia Pahang.</p> <p>Penyelidikan ini dikaitkan dengan objektif tertentu yang lazimnya melibatkan penemuan baru dan hasil penyelidikan diserahkan dalam bentuk produk, laporan dan/atau hak harta intelek kepada pihak penaja.</p> <p>Penyelidikan berkenaan melibatkan perjanjian kontrak dan mungkin melibatkan kawalan kerahsiaan dan penerbitan.</p>

- b) Definisi Kerja Perundingan sedia ada seperti berikut adalah dikekalkan:-

Jadual 2: Definisi semasa bagi Kerja Perundingan

Perkara	Definisi Semasa (Garis Panduan Menjalankan Kerja Perundingan dan Khidmat Teknikal UMP)
Kerja Perundingan	Aktiviti perundingan yang dijalankan menggunakan kepakaran dan kemudahan infrastruktur yang ada di UMP dan hasilnya diserahkan kepada klien dan klien ini akan membayar semua kos yang dikenakan terhadap kerja-kerja Perundingan berkenaan

- c) Definisi yang dicadangkan digunapakai untuk **membezakan kerja Penyelidikan Kontrak dan Kerja Perundingan**. Seterusnya, Penyelidikan Kontrak akan diuruskan Jabatan Penyelidikan dan Inovasi manakala Kerja Perundingan diuruskan UMPH seperti biasa.
- d) Penyelidik perlu mendapat **kebenaran dari pihak universiti sebelum menandatangani** sebarang kontrak penyelidikan.
- e) Penyelidik harus memastikan bahawa kerja-kerja Penyelidikan Kontrak yang dijalankan **tidak akan menjejaskan tanggungjawabnya** sebagai staf universiti dan tidak membebankan fakulti.
- f) Penyelidik juga harus memastikan bahawa kerja Penyelidikan Kontrak tidak bercanggah dengan kepentingannya sebagai staf universiti dan kepentingan universiti dan mematuhi peraturan yang ditetapkan.
- g) **Peraturan kewangan Penyelidikan Kontrak** mesti mematuhi peraturan kewangan yang digunapakai UMP.

- h) Bagi semua projek perundingan, kos Penyelidikan Kontrak hendaklah memasukkan **kos pengurusan 10% kepada UMP.**

Contohnya:

<u>Nilai Projek</u>	<u>Ilustrasi:</u>
10% - Kos Pengurusan	Nilai projek: RM100,000 Yuran pengurusan: 10% X RM100,000 = <u>RM10,000</u>
90% - Yuran profesional dan kos operasi	Baki nilai projek sebanyak RM90,000 diagihkan seperti berikut: a) Yuran professional bagi Penyelidik b) Kos operasi

- i) Nilai 10% bagi kos pengurusan adalah dicadangkan dengan mengambil kira agihan 10% kos pengurusan yang diterima UMP (dan 10% diterima UMPH) bagi Kerja Perundingan.
- j) Nilai bayaran kepada penyelidik dan kos operasi adalah bergantung kepada **persetujuan bersama** dengan pihak penaja dan tiada had dikenakan.
- k) Sekiranya terdapat baki dari peruntukan Penyelidikan Kontrak yang tidak dituntut oleh pihak penaja, baki berkenaan hendaklah diagihkan kepada Penyelidik, UMP, Pusat Tanggungjawab (PTJ)/*Centre of Excellence* (COE)/*Industry Centre of Excellence* (ICOE):
- i) 70% kepada Penyelidik
 - ii) 30% kepada UMP (15%) dan PTJ/COE/ICOE (15%)

Contohnya:

<u>Baki Peruntukan</u>	<u>Ilustrasi:</u>
100% - Baki Peruntukan	Baki Peruntukan: <u>RM10,000</u> Penyelidik : 70% X RM10,000 = RM7,000 UMP : 15% X RM10,000 = RM1,500 PTJ/COE/ICOE : 15% X RM10,000 = RM1,500

- l) Agihan 70:30 bagi baki peruntukan yang tidak dituntut adalah dicadangkan dengan mengambil kira agihan 70% baki nilai projek yang diterima Penyelidik dan 30% diterima UMP, UMPH dan PTJ/COE/ICOE bagi keuntungan dari Kerja Perundingan.